

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810
dzenita@sogfbih.ba

Sadržaj biltena:

Održana dvije radionice za predsjedavajuće i sekretare općinskih vijeća	1
Promoviran Vodič za poboljšanje energetske efikasnosti u lokalnoj samoupravi	1
Općina Tuzla među najuspješnijim po pitanju međunarodne saradnje	2
U Visokom se gradi veliki kulturni centar	2
Općina Gornji Vakuf-Uskoplje nudi projekat za zapošljavanje 100 radnika	3
Intervju: Emdžad Galijašević, načelnik Općine Bihać	3
Postavljene ploče o porijeklu naziva starogradskih ulica u Općini Stari Grad Sarajevo	6
Pušten u rad Elektronski registar administrativnih postupaka u Općini Živinice	7
Prema ocjeni National Geographic-a Sarajevo je grad koji morate posjetiti u 2014. godini	7
Početkom 2014. Srebrenik dobija novu zgradu Općine	8
Načelnik Goražda posjetio Općinu Foča-Ustikolina	8

Bilten Saveza općina i gradova Federacije Bosne i Hercegovine

ODRŽANE DVIJE RADIONICE ZA PREDSEDJAVAJUĆE I SEKRETARE OPĆINSKIH VIJEĆA

Saveza općina i gradova Federacije Bosne i Hercegovine, uz podršku Misije OSCE-a u BiH organizirao je dvije radionice za predsjedavajuće i sekretare općinskih vijeća u FBiH. Radionice su se provodile u sklopu projekta "Podrška savezima općina i gradova u BiH", čiji je jedan od osnovnih ciljeva jačanje veze Saveza općina i gradova FBiH sa svojim članicama putem saradnje s općinskim vijećima, a naročito sa predsjedavajućim i sekretarima vijeća i općinskim koordinadorima za rad sa



Sa radionice u Mostaru



Sa radionice u Tuzli

Savezom. Radionice su održane u Mostaru, 18.12.2013. i Tuzli, 19.12.2013. godine.

Općinska vijeća za Savez predstavljaju važnu sponu u komunikaciji i radu sa općinama, te kroz ove radionice, namjera je bila, u direktnom međusobnom kontaktu i komunikaciji, iznaći mogućnosti za kvalitetniju buduću saradnju i razvoj usluga koje Savez može i treba pružiti općinskim vijećima.

PROMOVIRAN VODIČ ZA POBOLJŠANJE ENERGETSKE EFIKASNOSTI U LOKALNOJ SAMOUPRAVI

U organizaciji Saveza općina i gradova FBiH i GIZ-a, u Zenici je, 30. oktobra/listopada održana promocija vodiča i CD-a na temu „Javna rasvjeta i lokalna samouprava“. Promociju je vodio gospodin Banimir Kalanj. Prema riječima gospodina Kalanija, ovaj vodič ima za cilj da korisniku lokalnoj samoupravi omogući lakše definisanje stvarnog stanja u vlastitoj javnoj rasvjeti te da olakša donošenje odluka pri definisanju mjera u cilju poboljšanja funkcionalnosti i smanjenju troškova u eksploataciji i održavanju sistema javne rasvjete. Excel dokument koji se nalazi na pratećem CD-u predstavlja elektronsku radnu knjigu koja korisnicima omogućava da na jednostavan način izračunaju period povrata izabrane kombinacije. Promociji su prisustvovali općine kao i lokalna poduzeća koja se bave javnom rasvjetom. Kako je broj printanih vodiča i CD-va ograničen, svaka od prisutnih općina dobila je po dva primjerka. Za sve ostale zainteresirane (poduzeća, jedinice lokalne samouprave) vodič i excel alat moći će skinuti sa stranice Saveza (sogfbih.ba) i GIZ-a. Na promociji je sudjelovala i firma Philips koja je bila direktni sponzor za štampanje vodiča i CD-a.

Promocija vodiča i CD-a „Javna rasvjeta i lokalna samouprava“ održana je također i u Livnu, 6. novembra/studenog u zgradi Općine Livno i 7. novembra/studenog u Bihaću. Na promocijama je sudjelovalo više općina i preduzeća koja se bave ovom djelatnošću, a načelnik Općine Bihać, Emdžad Galijašević iskoristio je ovu priliku i potpisao memorandum o energetske efikasnosti.



Delegacija TIKE posjetila općinu Srebrenik	8
NAJAVA dvije konferencije Instituta Svjetske banke	9
Fakultet za javnu upravu raspisao konkurs za doktorski studij	9
NAJAVA seminara o primjeni Zakona o stvarnim pravima i prednacrta Zakona o premjeru i registraciji nekretnosti u FBiH	10
Dani općina za mjesec decembar/prosinac	10



Grb Općine Tuzla

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-ev.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Visoko

OPĆINA TUZLA MEĐU NAJUSPJEŠNIJIM PO PITANJU MEĐUNARODNE SARADNJE

Informacija o saradnji Općine Tuzla sa inostranim subjektima, kada je u pitanju tekuća godina, pokazuje koliko je Općina Tuzla uspješna na mnogim inostranim relacijama. Implementirani su značajni projekti, ostvarene dobre prijateljske veze, a ono što je najznačajnije je da se Tuzla kao općina sa odličnim primjerima izdvaja u Federaciji BiH.

Općina Tuzla jedna je od vodećih lokalnih uprava u BiH po uspostavljenim međunarodnim kontaktima i saradnji sa inostranim subjektima (na stotine različitih kontakata sa gradovima, pokrajinama, regijama iz inostranstva) koji su rezultirali brojnim ugovorenim projektima u periodu 2012 – 2013. godina.

U Informaciji o saradnji Općine Tuzla sa inostranim subjektima, prezentirana je i organizacija poslova iz oblasti međunarodne saradnje sa akcentom na strateški cilj "Evropske vrijednosti i multikulturalnost" i prioritete u njegovom postizanju, a u skladu sa Strategijom razvoja općine Tuzla do 2026. godine.

Pored toga, predstavljani su i uspješno implementirani projekti finansirani iz EU fondova, ali i drugih fondova, a u oblasti energetske efikasnosti, poduzetništva, socijalne zaštite i dr.

- Konkursiranje IPA fondovima, konkurisanje fondovima za sredstva Evropske komisije, konkurisanje za sredstva USAID-a i UNDP-a. Došli smo sada u situaciju da smo lideri energetske efikasnosti. Mi smo jedini od Evropske komisije dobili pare vezane za projekat za vodu, a mislim o šest mjesnih zajednica koje još uvijek nemaju vodu - kazao je Jasmin Imamović, načelnik Općine Tuzla.

Prema Odluci o osnivanju Stručne službe za poslove općinskog načelnika i koordinaciju rada općinskih službi poslove vezane za "ostvarivanje saradnje i realizaciju projekata sa inostranim subjektima, nevladinim organizacijama, organima i institucijama Evropske unije" obavlja navedena Služba, te su, shodno tome, u okviru ove stručne službe sistematizovana i radna mjesta službenika koji obavljaju konkretne poslove i zadatke u oblasti međunarodne saradnje i pripremi i realizaciji projekata. Međutim, i u ovoj oblasti je neophodan multisektorski pristup, što je u ovom slučaju, doprinijelo postizanju više nego zadovoljavajućih rezultata.

- Nama je namjera u našoj međunarodnoj saradnji obezbijediti sredstva, povećati ugled Tuzle. Što ugled Tuzle bude veći, ovdje će dolaziti više turista i više investitora. To otvaranje je prilika za razvoj - dodaje načelnik Imamović.

"Evropske vrijednosti i multikulturalnost" je jedan od strateških ciljeva definisanih Strategijom razvoja općine Tuzla do 2026. godine, a koja je usvojena u maju 2012. godine. Strategija razvoja općine Tuzla je kompatibilna sa Strategijom razvoja Evropske Unije do 2020. godine, koja u prvi plan stavlja razvojni koncept baziran na pametnom, održivom i inkluzivnom razvoju. (eKapija, 24.11.2013)

U VISOKOM SE GRADI VELIKI KULTURNI CENTAR

Kulturni centar, kongresna dvorana za 450 osoba, dvije manje dvorane za multipleks kino, nekoliko kabineta za razne vidove edukacije, biblioteka, čitaonica i niz drugih popratnih sadržaja, te veliki prostor na vrhu pod staklenom kupolom za izložbe i druge vrste skupova, poklon je koji su Visoko i visočani dobili od turske bratske općine Altındağ, piše portal Vipromo.ba.

Objekat će imati ukupno 3.200 kvadratnih metara površine i omogućiti će nove sadržaje koji će privući omladinu kompletne općine Visoko, ali i mlade iz okolnih gradova.

Kulturni centar, objekat za kojim je Visoko žudilo, završetkom izgradnje dovest će ozbiljne kulturne, privredne, političke i zabavne događaje, konačno obogatiti kulturni i društveni život, a ujedno biti i pokretač razvoja trgovine, zanata i svih vrsta uslužnih djelatnosti.

Obzirom da se postojeća saobraćajnica koja ide kroz naselje Priječko planira izmjestiti iza Kulturnog centra, objekat će biti uklopljen u prelijepi ambijent parka naslonjenog na samu obalu rijeke Fojnice, što mu daje dodatnu vrijednost i ljepotu.

Novo lice Visokog otvara perspektive i vraća nadu da Visoko nije grad iz kojeg se ide, nego da ponovo postaje grad u koji se dolazi.



OPĆINA GORNJI VAKUF-USKOPLJE NUDI PROJEKAT ZA ZAPOSŁJAVANJE 100 RADNIKA



Želeći iskoristiti veliku potražnja za ferolegurama na tržištu BiH i u drugim zemljama, Ministarstvo privrede/gospodarstva SBK/KSB u suradnji sa općinom Gornji Vakuf – Uskoplje izradilo je investicijski projekt za izgradnju postrojenja za proizvodnju legura (ferosilicija, feromagnezija i silicij metala) na lokalitetu nove industrijske zone „Batuški lug“ u općini Gornji Vakuf-Uskoplje, navodi se na općinskoj web stranici.

Ministarstvo i općina su sada u potrazi za potencijalnim investitorom. Pogon i postrojenja za proizvodnju legura prostiralo bi se na oko 48 hektar, a kompleks bi sačinjavale dvije elektrolyne peći i prateća infrastruktura. Investicijskim planom predviđen je rad tvornice 24 sata dnevno u četiri smjene i zapošljavanje oko 100 radnika, što bi bio značajan broj za našu općinu koja trenutno ima oko 22.000 stanovnika. Eventualnom izgradnjom ove tvornice ostvarila bi se proizvodnja ferosilicija u količini od oko 80 tona dnevno, što je oko 29.000 tona godišnje. Iz Ministarstva privrede/gospodarstva SBK/KSB navode da je projekt finansijski isplativ, a njegovom realizacijom zaradilo bi se gotovo 40 milijuna eura godišnje, jer bi cjelokupna proizvodnja bila plasirana u izvoz. Proizvodnja ferolegura u BiH postoji u Jajcu (silicij metala) i cjelokupna proizvodnja se izvozi, dok se ferosilicij u BiH ne proizvodi. U regiji postoji manja proizvodnja ferolegura u Sloveniji i Makedoniji, dok je ona u Hrvatskoj ugašena. Prema planovima Ministarstva privrede/gospodarstva SBK/KSB tržištu će se ponuditi novi proizvod, a ciljano će se kontaktirati potencijalne kupce iz Italije, Austrije i zemalja zapadnog Balkana.

Detaljnije o ovom atraktivnom programu možete pogledati na linkovima :

[Izgradnja tvornice ferosilicija općina Gornji Vakuf – Uskoplje](#)

[Factory construction for the production of ferrosilicium in municipality Gornji Vakuf-Uskoplje](#)



Grb Općine Gornji Vakuf-Uskoplje

INTERVJU: MR.SCI. EMDŽAD GALIJAŠEVIĆ, NAČELNIK OPĆINE BIHAĆ

Intervju preuzet sa web stranice Općine Bihać

Transparentnim i otvorenim radom do pozitivnih promjena u Bihaću

Općina Bihać u proteklih dvanaest mjeseci na putu je stabilizacije općinskog budžeta i realizacije malih infrastrukturnih projekata od značaja za stanovnike grada Bihaća. Mr.sci.Emdžad Galijašević, Općinski načelnik Bihaća u proteklih dvanaest mjeseci rada na poziciji prvog čovjeka Općine Bihać, učinio je maksimum napora kako bi Budžet Općine Bihać za 2013. godinu stabilizirao i učinio ga funkcionalnim za građane.

1. Na koji način je bilo moguće tokom relativno kratkog vremena sa naslijeđenim budžetskim problemima realizirati respektabilan broj tzv. malih infrastrukturnih projekata širom općine - puteva, sportskih terena, rasvjete, spomen obilježja, podrške poljoprivredi, privredi i sportu?

GALIJAŠEVIĆ: Općinski budžet i naslijeđene finansijske probleme rješavamo iz dana u dan, a sve zahvaljujući maksimalnim uštedama i racionalnim trošenjem budžetskih sredstava uspjeli smo ove godine osigurati stabilizaciju budžeta. Prvi korak bilo je smanjenje plata u Općinskom organu uprave za 20 posto, a prvo sam svoju načelničku platu smanjio jer je nerealna za vrijeme u kojem živi veliki broj naših sugrađana. Također, vijećnici u Općinskom vijeću Bihać usvojili su odluku kojom su sebi smanjili paušale za 30 posto, te se na taj način pridružili projektu stabilizacije i konsolidacije općinskog budžeta, kojeg je prethodna administracija opteretila kreditnim zaduženjima i ostalim obavezama u višemilionskim iznosima. Raznim uštedama i smanjenjima uspjeli smo osigurati redovnu isplatu plata zaposlenim u Općini Bihać, ali i javnim preduzećima kojima je Općina Bihać osnivač. Radnici su tokom prošle godine čekali i po nekoliko mjeseci plate, a dugovanja su stvorena i prema našim studentima, poljoprivrednim proizvođačima, izvođačima radova, dobavljačima, itd. Stabilizacijom budžeta uspjeli smo izmiriti dugovanja prema poljoprivrednim proizvođačima za 2011. i 2012. godinu, a u narednom periodu izmiriti ćemo dugovanja prema studentima, koja smo naslijedili od prethodne vlasti.



Emdžad Galijašević, načelnik Općine Bihać



Grb Općine Bihać


KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Bihać

Smanjili smo troškove reprezentacije (25.725 KM za prvih deset mjeseci 2013. godine a u istom periodu 2012. godine 52.303 KM). Stanje u općinskom budžetu stabilno i pored naslijeđenih problema iz prošle godine, a u prvih deset mjeseci 2013. godine došlo je do povećanja budžetskih prihoda za 3,285.613 miliona KM. Kad se gleda prvih deset mjeseci 2013. godine i prvih deset mjeseci prošle budžetske godine aktivnostima općinske administracije došlo je do povećanja prihoda u Budžetu Općine Bihać za 23,95 posto. U sedmom mjesecu ove godine jedina smo općina u USK-a koja je poslovala u suficitu u iznosu od 110.000 KM.



Bihać oko god. 1690.

U proteklih dvanaest mjeseci realiziran je veliki broj projekata u oblasti poljoprivrede, gdje se pored 730.000 KM osiguranih sredstava za poljoprivredu u općinskom budžetu, potpisani ugovori za otkup krastavaca kornišona i jagodičastog voća. Uz poticaje poljoprivrednim proizvođačima pri registriranju poljoprivrednog obrta, osigurana su sredstva za poticaje poljoprivrednim proizvođačima za proljetnu sjetvu. I u oblasti sporta učinjeni su veliki pomaci u odnosu na prethodne godine, jer su sportski kolektivi dobili podršku u radu kroz sredstva koje je Općina Bihać obezbijedila za rad Sportskog saveza, a ovogodišnji uspjesi bihaćkih rukometašica, košarkaša, odbojkaša i odbojkašica, karatista i kickboksera, potvrda su opravdanosti ulaganja u sport. Dodamo li ovome uspješno realiziranih 59 infrastrukturnih projekata, odnosno asfaltiranih preko 10 kilometara lokalnih cesta, onda možemo biti zadovoljni urađenim u 2013. godini.

Zašto govorim o ovim brojkama i statističkim pokazateljima. Razlog je jednostavan. Građani Općine Bihać moraju znati koliko se novaca troši i za koje namjene, jer je to njihov novac i ovakva transparentnost u radu i upoznavanje javnosti sa svim bitnim događajima, našim planovima i projektima zapravo za cilj imaju povezivanje građana sa njihovom općinskom administracijom. Smanjenje broja pomoćnika načelnika i službi u Općini Bihać sa prijašnjih trinaest na sedam upravo za cilj ima povećanje produktivnosti u radu. Općinski službenici moraju biti u službi građana i u fokusu rada biti će i povećanje produktivnosti u pojedinim službama. Tu su naravno i naša javna preduzeća i ustanove koje moraju odgovoriti na sve probleme i izazove u poslu, a prvenstveno to ističem javna preduzeća Komrad i Vodovod koji imaju dovoljan broj stručnih kadrova i opreme da mogu biti u službi razvoja grada Bihaća. To smo se uvjerili nakon uspješno okončanih radova na vodovodnoj mreži za trgovački centar Bingo, kojeg je u rekordnom vremenu uradilo naše vodovodno preduzeće. I sve ostale infrastrukturne projekte koje Općina Bihać bude radila, a mogu svojom opremom i znanjem raditi naša preduzeća, to će i raditi. Predstoji nam još jedna zima i raduje činjenica da će JKP Komrad spremno dočekati zimu sa novim strojevima i na taj način uštediti ćemo ogromna sredstva koja su ranijih godina bila potrošena plaćajući kooperantima čišćenje naših ulica.

Računica je jednostavna, moramo iskoristiti sve vlastite potencijale i vlastitim snagama nastaviti i 2014. godine infrastrukturne projekte koji su sredstvima možda mali, ali imaju veliki značaj za naše građane. Potvrda toga su uspješno realizirani ovogodišnji projekti u velikom broju naših mjesnih zajednica. U mnogim gradskim i prigradskim ulicama nakon nekoliko decenija došao je asfalt i javna rasvjeta, a realizaciju ovih projekata podržali su i sami mještani, što je najbolja potvrda da samo zajedničkim sredstvima i iskrenim dijalogom možemo poboljšati uslove života u našim naseljima. Sad možemo svi zamisliti kada bi zajedničkim sredstvima građana, Općine Bihać, te viših nivoa vlasti realizirali projekte u Općini Bihać, koliko bi imali uspješno urađenih projekata. Za očekivati je da će biti sluha sa viših nivoa vlasti, ali i ako ta podrška izostane, Općina Bihać će sama vlastitim sredstvima nastaviti sa građanima projekte uređenje ulica, vodovodne i kanalizacione mreže, javne rasvjete, sportske infrastrukture i obrazovnih ustanova.

Pored infrastrukturnih projekata glavni problem s kojim se susrećemo jeste i problem nezaposlenosti. U gradu Bihaću 45 posto radno sposobnog stanovništva odnosno preko 10.000 naših sugrađana ne radi i crvena lampica već odavno je upaljena. Privredni potencijali koje smo imali ne rade i danas imamo firme koje zjape prazne. U svom ovom crnilu, katastrofalnoj privatizaciji koja je provedena, imamo nekoliko svijetlih tačaka kao što su firme mljekara Meggle, Bihaćka pivovara i Č.J, ali sve ovo je nedovoljno i svi nivoi vlasti moraju se početi baviti privrednim i ekonomskim pitanjima i izbaciti koliko je moguće politiku. Ja to kao načelnik Bihaća svakodnevno radim kako bi ovaj grad otvorio, demokratizirao i depolitizirao i jer imamo potencijala, pogotovo zbog činjenice da nismo prodali prirodne resurse. Zbog toga se politikom moraju baviti ljudi koji su nešto u životu radili, radili u privredi, a, ne možete to raditi ako ste kao pripravnici postali premijer, načelnik, poslanik itd.



Grad Bihać ima šansu zbog blizine granice sa Hrvatskom, odnosno Evropskom Unijom, ali istovremeno moramo poboljšati i zakonske propise u ovoj oblasti, a posebno se to odnosi na Zakon o stečaju, kojim stečajni tražitelji i desetak godina uništavaju ono što rat i loša privatizacija nisu uništili. Mi u Unsko-sanskom kantonu stalno slušamo o problemima firmi širom Federacije BiH, a nas u Krajini niko ne spominje, kao i probleme naših nekadašnjih privrednih giganta. I to se moram promijeniti i svi oni koji se žele baviti politikom moraju znati da moraju više zastupaju interese ovog kraja u Sarajevu. Naša šansa su javni radovi, ali i privatni sektor koji je godinama bio zapostavljan. Kod nas imamo anomaliju da ko ne radi u državnoj firmi kao da ne radi nikako. To se moram promijeniti jer trenutno u Bihaću nemate privrede i jakog privatnog sektora i to se mora promijeniti. Kao odgovoran načelnik koji je dobio povjerenje velikog broja građana Bihaća ne želim davati nikakva velika obećanja, jer su se građani Bihaća nasluškali lažnih obećanja i velikih projekata. Financijska situacija nije idealna i zbog toga realiziramo male projekte od značaja za naše građane, a riječ je o zajedničkim projektima oko asfaltiranja lokalnih saobraćajnica, postavljanju rasvjete i mnogih drugih projekata. U tome imamo podršku građana Bihaća i zahvalio bi se svojim sugrađanima na podršci koju nam daju u našem naumu da stabiliziramo budžet i stvorimo osnove da napravimo slijedeće godine razvojni budžet.

2. Općinsko vijeće Bihaća nedavno je usvojilo rebalans budžeta u kojem ste odlučili da povećate grantove poljoprivredi i sportu. Istovremeno je prvi put u posljednjih nekoliko godina u zakonskom roku usvojen i Nacrt Budžeta Općine Bihać za 2014. godinu. Zašto?

GALIJAŠEVIĆ: Vijećnicima je na usvajanje dostavljen treći rebalans budžeta u iznosu od 29.967.741 KM prvenstveno zbog repograma Plana i programa Zavoda za prostorno uređenje Bihać kojim smo željeli da na području cijele Općine Bihać u toku ove godine radimo određeni infrastrukturni projekti. Ove godine smo u prvih devet mjeseci u realizaciju infrastrukturnih projekata investirali što je najviše kada je u pitanju osam općina Unsko-sanskog kantona. Posljednji rebalans usvojen je i zbog naše želje da povećamo grantove za poljoprivredu i sport. Ova dva društvena segmenta izuzetno su bitna za našu općinu jer su dugo vremena bili zapostavljeni, a mišljenja sam da preko 5.000 aktivnih i pasivnih sportista i omladine, te nekoliko stotina poljoprivrednika zaslužuju veća izdavanja iz Budžeta Općine Bihać. Tako smo povećali grant za poljoprivredu sa 500.000 KM na 730.000 KM i grant za sport sa 800.000 KM na 1.050.000 KM. Infrastrukturni projekti koji se prvenstveno odnose na asfaltiranje lokalnih cesta na području Općine Bihać obilježili su između ostalog rad općinske administracije u Bihaću u 2013. godini. Potvrđuje to veliki broj novih kilometara asfalta kako u ruralnim, tako i u urbanim naseljima Bihaća, a zbog lijepog vremena i u oktobru smo nastavili asfaltiranje desetak putnih pravaca. Pored asfaltiranja lokalnih cesta u toku 2013. godine realizirali smo i nekoliko infrastrukturnih projekata iz oblasti obrazovanja i kulture, a tu prije svega mislim na uređenje sportskih igrališta pri osnovnim školama i izgradnju doma kulture u MZ Orašac. Moram istaći da su vijećnici na dvanaestoj sjednici Općinskog vijeća između ostalog usvojili i Nacrt Budžeta Općine Bihać za 2014. godine. Najvažniji dokument općinske administracije prvi put se tako u posljednjih desetak godina našao pred vijećnicima kako bi se kroz javnu raspravu, prijedloge i sugestije kvalitetno pripremio Prijedlog Budžeta za 2014. godinu i isti usvojio do kraja ove godine. Uvjeren sam da ćemo općinski budžet usvojiti najkasnije do 31. decembra ove godine kako bi se kvalitetno odradile procedure javnih nabavki i znalo šta se tačno radi 2014. godine. Naime, naša namjera da općinski budžet za 2014. godinu usvojimo do kraja ove godine još jedna je potvrda naše želje da ovaj odgovoran posao radimo transparentno i u skladu sa zahtjevima i potrebama građana Bihaća. Prošli budžet smo donijeli krajem marta i zbog toga smo kasno krenuli u građevinske radove i slijedeće godine to neće biti slučaj jer ćemo imati usvojen budžet i početak građevinske sezone dočekati ćemo sa usvojenim budžetom.

3. Prvu godinu mandata obilježila je stabilizacija Budžeta Općine Bihać i infrastrukturni projekti u skoro svim bihaćkim mjesnim zajednicama. Koji projekti bi trebali obilježiti vašu drugu godinu mandata, odnosno 2014. godinu?

GALIJAŠEVIĆ: Niti jedna općina nije išla ranije sa Nacrtom Budžeta za slijedeću godinu i ja sam stava da budžet nije Ustav i podložan je izmjenama tokom godine. Nacrtom Budžeta željeli smo da zadovoljimo sve potrebe brojnih kategorija društva, a posebno kada je u pitanju socijalni karakter. Također, moramo Budžet treba usaglasiti uz uvažavanje prijedloga svih stranaka i građana jer je on u interesu svih građana i na ovom ne treba sakupljati političke poene. Općina Bihać smanjila je dugovanja, ali istovremeno nismo dopustili da ništa ne radimo, osim da vraćamo dugovanja prethodne vlasti. Ja sam načelnik koji je socijalno osjetljiv, ali istovremeno smo imali razumijevanja za razvojnu komponentu pa smo izdvojili tri miliona KM u putne komunikacije, kao i 700.000 KM za segment poljoprivrede. Da nismo opterećeni kreditima bilo bi daleko lakše, ali nema žalopojki, već moramo zasukati rukave i omogućiti da grad funkcioniše bez obzira na sve poteškoće.



Rijeka Una

"Nacrt Budžeta za 2014. godinu u vremenima teške ekonomske krize ima karakteristike socijalne i razvojne komponente"
"Uvjeren sam da ćemo općinski budžet usvojiti najkasnije do 31. decembra ove godine kako bi se kvalitetno odradile procedure javnih nabavki i znalo šta se tačno radi 2014. godine."



Bihać, zvonik Sv. Ante
Padovanskog

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Nacrtom Budžeta Općine Bihać za 2014. godinu predviđeno izdvajanje 435.000 KM za kulturu, million KM za sport, 190.000 KM za humanitarne organizacije i vjerske zajednice, 700.000 KM za poljoprivredu, 279.656 KM za revolving fond sa mljekarom Meggle, 50.000 KM za sufinansiranje kamatne stope poduzetnicima, 70.000 KM za sufinansiranje malog i srednjeg poduzetništva 80.000 KM za projekte civilnog društva, itd. Nacrt Budžeta za 2014. godinu u vremenima teške ekonomske krize ima karakteristike socijalne i razvojne komponente. Izdvojiti ćemo 100.000 KM za školske objekte iako to nije u nadležnosti Općine Bihać, 30.000 KM za gradsku džamiju, 50.000 KM za Muzej AVNOJ-a, 150.000 KM za opremanje vatrogasaca, 117.000 KM za boračku zgradu, 400.000 KM za adaptaciju sportskih terena, 90.000 KM za podršku novorođenim bebama, 100.000 KM za stipendije, 200.000 KM za sufinansiranje prijevoza učenika, 700.000 KM za poljoprivredu, 100.000 KM za azil za životinje. Nismo zaboravili i naše humanitarne organizacije, te smo planirali povećanje granta za Crveni križ (60.000 KM), javnu kuhinju Merhamet (30.000 KM) i javnu kuhinju Imaret (30.000 KM).

I u narednoj godini nastavljamo sa realizacijom projekta KFW, tu je i projekt DECENT kojeg ćemo implementirati zajedno sa Švicarskom agencijom SDC u MZ Gata za što planiramo sredstva u iznosu od 130.000 KM. Planirali smo izdvojiti 400.000 KM za financiranje Programa uređenja i održavanja vodotoka i vodnih objekata, 1,250.000 milion KM za Program obavljanja zajedničke komunalne djelatnosti, 1,1 miliona KM za Program uređenja građevinskog zemljišta, te 3 miliona KM za Program održavanja, rekonstrukciju i izgradnju lokalnih cesta.

Mnogo toga imamo u planu uraditi u 2014. godini i podrška građana Bihaća biti će nam dodatni motiv da svoj posao i u narednim godinama radimo transparentno i odgovorno, jer samo tako možemo vratiti poziciju gradu Bihaća, kao administrativnog, političkog, kulturnog, sportskog i univerzitetskog središta Unsko-sanskog kantona.

POSTAVLJENE PLOČE O PORIJEKLU NAZIVA STAROGRADSKIH ULICA U OPĆINI STARI GRAD SARAJEVO

Ovaj projekat je inicirala i implementirala Zona unaprijeđenog poslovanja Baščaršija uz podršku Općine Stari Grad, USAID-Sida FIRMA projekta i Sarajevo Navigatora. Njegov cilj je unaprijeđenje turističke signalizacije specifične za elemente kulturnog i historijskog naslijeđa Baščaršije. Ploče će davati informacije o nazivima ulica, ali i tradicionalnim zanatskim vještinama koje se u njima njeguju.

Prva od 240 informativnih ploča postavljena je 26. novembra u ulici Ferhadija.

Ploču su otkrili načelnik Općine Stari Grad Ibrahim Hadžibajrić i direktor USAID-a David Barth.

"Radi se o 240 ploča na području užeg starogradske jezgra, gdje su obuhvaćene sve ulice sa posebnim značajem. Tu su objašnjenja kako su nastale, sa njihovim izvornim imenima, kao i svim nazivima koje su promijenile", istakao je Hadžibajrić.

Barth smatra kako je realizacija ovog projekta jedan od kvalitetnih načina za "privlačenje" turista, te je dodao kako table "pričati" prekrasne priče koje su se dešavale u ovom dijelu Sarajeva tokom historije.

"Oduševljeni smo što smo danas ovdje, proslavljamo prvi snijeg ove sezone i obilježavamo otkrivanje prve od 240 informativnih tabli koje će ljudima pričati prekrasne priče koje su se ovdje dešavale kroz historiju. Potrebno je da ispričamo ove priče, jer je potrebno i da privučemo ljude u Sarajevo. Turisti žele doći u Sarajevo i upoznati njegovu bogatu historiju i raznolikost te im je potrebno to omogućiti", izjavio Barth. Ploče je napravila firma "Pismolik", koja zapošljava gluhojane osobe, a urađene su na bosanskom i engleskom jeziku te sadrže i QR kodove, putem kojih se mogu dobiti opširnije turističke informacije na više jezika.



Grb Općine Stari Grad
Sarajevo

PUŠTEN U RAD ELEKTRONSKI REGISTAR ADMINISTRATIVNIH POSTUPAKA U OPĆINI ŽIVINICE



Zvaničnim puštanjem u rad Elektronskog registra administrativnih postupaka u Općini Živnice, danas je implementirana još jedna faza Projekta regulatorne reforme koju zajedno sa Općinom Živnice sprovodi IFC, dio Grupacije Svjetske banke uz pomoć donatora Kraljevine Švedske i njene razvojne agencije, navodi se na web stranici Općine Živnice.

Elektronski registar administrativnih postupaka je servis Općine Živnice koji omogućuje privrednicima da na jednostavan i transparentan način dođu do informacija koje ih interesuju u vezi administrativnih postupaka koje općina provodi.

Ovom novinom, investitori imaju uvid u sve elemente administrativnog postupka za koji su zainteresovani poput liste i forme dokumentacije koju stranka treba da podnese, informaciju o tome gdje se pribavlja navedena dokumentacija, koje takse i naknade stranka plaća, brojeve žiro-računa za uplatu, i sl.

Prezentaciju Elektronskog registra, predstavio je načelnik Općine Hasan Muratović koji je ovom prilikom poseban akcenat dao na značajne uštede koje će biti ostvarene u privrednom sektoru čime će biti olakšan rad svim privrednim subjektima i investorima koji će doći u Živnice.

Projektni menadžer IFC za Bosnu i Hercegovinu, Tarik Šahović u svom obraćanju je istakao da uspostavljanje Elektronskog registra administrativnih postupaka u općini Živnice spada u značajnije rezultate reforme koje provode u okviru Projekta poboljšanja poslovnog okruženja u BiH. Dodao je, kako je ovo važan korak Općine u naporima da pomogne privrednicima u prevazilaženju trenutne ekonomske krize.

Ovim projektom najviše dobivaju građani i poduzetnici, a bržim protokom dobivanja odgovarajućih dozvola eliminisaće se, uz ostalo, korupcija na koju se građani često žale, rekao je općinski načelnik mr.sci.Hasan Muratović.

"Savremeni elektronski registar je rezultat zajedničkog rada ekipe IFC-a i naših stručnjaka, čime smo pojednostavili procedure i učinili našu administraciju efikasnijom, posebno one koja se odnose na izdavanje rješenja, uvjerenja, dozvola, saglasnosti i drugih, a izdaju se na nivou Općine Živnice. Tako će za izdavanje izvoda iz prostorno-planske dokumentacije umjesto prethodnih 15 dana, ubuduće će biti potrebno samo 3 dana od trenutka podnošenja potpunog zahtjeva, a recimo izmjena odobrenja za gradnju, produženje važnosti odobrenja za gradnju umjesto prethodnih 30 dana, ubuduće će biti potrebno duplo manje, od trenutka podnošenja potpunog zahtjeva. Bitno je istaći da preduzeće ili preduzetnik ostvaruje kada posluje u skladu sa vladinim zahtjevima, velike uštede", rekao je Muratović.

Registru se lako pristupa putem zvanične web stranice Općine Živnice www.opcinazivinice.ba, klikom na link: e-REGISTAR.



Grb Općine Živnice



Sa predstavljanja registra

PREMA OCJENI NATIONAL GEOGRAPHIC-a SARAJEVO JE GRAD KOJI MORATE POSJETITI U 2014. GODINI

Sarajevo je jedno od 20 destinacija za koje National Geographic smatra da se mora posjetiti naredne godine, navodi se na web stranici Grada Sarajeva. Njihova lista odražava sve ono što je autentično i što obiluje kulturnim bogatstvom u današnjem svijetu. Pored Sarajeva, na listi su se našli i John Muir Way u Škotskoj, nacionalni park Nahanni u Kanadi, Put kakaa u Ekvadoru, Lihtenštajn, visoravan Bolaven u Laosu, otoci Deravan u Indoneziji, nacionalni park Nyungwe u Ruandi, Puglia u Italiji i mnogi drugi. Ovo su samo neka od zanimljivih mjesta koje preporučuje National Geographic. Ovaj američki magazin je Sarajevo nazvao balkanskim urbanim feniksom. Novinar Alex Crevar napisao je svoje impresije o Sarajevu za National Geographic. "Savjetnici Franza Ferdinanda molili su ga da ne ide u Sarajevo. On ih nije poslušao. Poput mnogih prije i poslije njega, austrougarski nadvojvoda pogrešno je procijenio tamošnju regiju i njene ljude. Pucnjevni ispaljeni prije stotinu godina - 28. juna 1914. godine - u prijestolnici Bosne i Hercegovine uzrokovali su njegovu smrt i zapalili su fitilj za Prvi svjetski rat", piše Crevar.

Svijet se nepovratno promijenio tog dana. Ali Sarajevo, koje je izdržalo tri razarajuća rata i izgradilo se pod šest nacionalnih zastava u sto godina, zadržalo je svoj karakter. Miris crne kafe koja se kuha u bakrenim posudama odiše Baščaršijom, bazarom iz vremena Osmanlija. Kujundžije i trgovci čilimima cjenkaju se i šegače na kaldrimi. Secesionističke zgrade, podignute tokom austrougarske vladavine, smještene su u blizini munara.

Nazvan "najopasnijim gradom na svijetu" tokom rata 1990-ih godina, Sarajevo je trenutno među jednim od najsigurnijih prijestolnica u Evropi. Posjetio - koji nisu više samo postratni znatiželjnici - šetaju prometnim ulicama do historijskih mjesta na kojima se mole muslimani, jevreji i kršćani. Renomirani Sarajevo Film Festival održava se svako ljeto. Turisti i lokalni stanovnici uživaju u planinarskim stazama na okolnim Dinaridima.





Nova zgrada Općine Srebrenik u izgradnji

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Srebrenik

Preporod Sarajeva možda najbolje simbolizira dugo očekivana rekonstrukcija Vijećnice u kojoj se nalazi nacionalna biblioteka. Uništena, zajedno s još dva miliona knjiga 1992. godine, ova pseudomavarska znamenitost se treba svečano otvoriti tokom obilježavanja atentata na Franza Ferdinanda.

"Oči cijelog svijeta bit će uprte 2014. godine u Sarajevo. Ovaj put to neće biti zbog tragedije, već zbog nečeg potpuno novog", za magazin je rekao gradonačelnik Ivo Komšić.

POČETKOM 2014. GODINE SREBRENİK DOBIJA NOVU ZGRADU OPĆINE

SREBRENİK, 20. novembar/studeni – Delegacija Fonda za razvoj Kraljevine Saudijske Arabije i predstavnici Ministarstva finansija i trezora BiH, posjetili su općinu Srebrenik. Povod ove posjete bio je uvid u dinamiku radova na izgradnji nove općinske zgrade, koji se finansiraju iz povoljnog kredita Saudijskog Fonda za razvoj. Ukupna vrijednost ove investicije je oko 4,5 miliona KM, a izgradnja ovog objekta povjerena je konzorciju od sedam firmi iz Srebrenika, koji predvodi preduzeće "Herceg" Srebrenik. Predstavnici Fonda za razvoj Kraljevine Saudijske Arabije i Ministarstva finansija i trezora BiH, preko kojih je i realizovan navedeni kredit, nisu krili oduševljenje brzinom i kvalitetom izvedenih radova. Kako je istakao načelnik Sanel Buljubašić završetak radova se očekuje u martu ili aprilu 2014. godine, a novi prostori i smještaj svih službi na jednom mjestu bi trebao dovesti do poboljšanja rada administracije i kvalitetnijih usluga.

NAČELNIK GORAŽDA POSJETIO OPĆINU FOČA-USTIKOLINA

FOČA-USTIKOLINA, 27. novembar/studeni – Danas je načelnik Općine Goražde mr. Muhamed Ramović posjetio Općinu Foča-Ustikolina, gdje se sastao sa načelnikom Zijadom Kunovcem i poslanikom u Skupštini BPK-a Mensurom Borovićem. Na sastanku je razgovarano o razvojnim i infrastrukturnim projektima, te o saradnji između ove dvije općine na Projektu razvoja navodnjavanja. Riječ je o projektu navodnjavanja koji će se obuhvatiti 330 hektara površine a za koji je investitor Svjetska banka.

Načelnici su ovom prilikom govorili i o poljima na kojima Općina Goražde može da pomogne Općini Foča-Ustikolina, te o načinima realizacije iste. Također, jedna od tema razgovora bila je i aktivnost na izradi zajedničkih projekata sa kojima treba aplicirati na sredstva iz IPA fondova, kako bi ih lakše dobili, kao i o nastavku općenito uspješne saradnje između ove dvije općine.



DELEGACIJA TIKE POSJETILA OPĆINU SREBRENİK



Delegacija Turske razvojne agencije u BiH na čelu s direktorom Zulkufom Oručem posjetila je općinu Srebrenik. Na sastanku s općinskim načelnikom Sanelom Buljubašićem i njegovim saradnicima gosti iz Turske razgovarali su o mogućnostima pružanja finansijske podrške realizaciji projekata u oblasti obrazovanja, kulture i sporta. Predstavnici TIKE, u skladu s finansijskim mogućnostima, obećali su podržati projekte dogradnje zgrade Dječjeg obdaništa, rekonstrukcije fiskulturne sale Mješovite srednje škole i rekonstrukcije i dogradnje dijela zgrade Doma kulture u Srebreniku. Ukoliko predloženi projekti, rečeno je na

sastanku u Srebreniku, uspješno prođu administrativnu proceduru u sjedištu Turske razvojne agencije u Ankari, konkretni radovi na rekonstrukciji i proširenju navedenih objekata mogli bi započeti već na proljeće naredne godine.

NAJAVA DVIJE KONFERENCIJE INSTITUTA SVJETSKJE BANKE: „DIJALOG MEĐU GRADOVIMA NA TEMU URBANE REVIZIJE“ I „GRADOVI BEZ KORUPCIJE-GRADOVI KOJI IMAJU BUDUĆNOST“



Konferencija „Dijalog gradova o urbanoj reviziji“ održaće se u Skoplju (Makedonija) u organizaciji Instituta Svjetske banke, u periodu od 11 - 13. decembra/prosinca 2013. godine. Ova radionica regionalnog karaktera ponudiće zainteresovanim predstavnicima gradova i općina iz regiona jugoistočne Evrope obuku u oblasti urbane revizije.

Urbana revizija je novorazvijeni alat za samoprocjenu stanja infrastrukture i komunalnih usluga koji općinama pruža podatke i informacije o svim aspektima urbanog razvoja (stanovništvo, zauzeće zemljišta, javna imovina, infrastruktura, inventar usluga), i to kroz prikaz postojećeg i željenog stanja u konkretnoj općini. Ovaj alat samoprocjene ima za cilj da pomogne rukovodstvima općina i gradova da bolje sagledaju funkcionisanje grada i da im pomogne da u buduću donose racionalnije odluke zasnovane na stvarnim pokazateljima.

Ovaj dijalog gradova poslužiće i kao šansa za razgovor o do sada naučenim lekcijama u gradovima koji su sproveli urbanu reviziju kao dio Programa urbanog partnerstva Svjetske banke i Austrije.

Regionalna konferencija „Gradovi bez korupcije – Gradovi koji imaju budućnost“, koja će biti organizovana od 16. do 18. decembra/prosinca 2013, u Ljubljani, Slovenija, od strane Instituta Svjetske banke i Partnerske fondacije za lokalni razvoj, će biti vrhunac druge faze programa jačanja kapaciteta u oblasti Gradske uprave/borbe protiv korupcije, koji je takođe dio Programa urbanog partnerstva Svjetske banke-Austrija. Program jačanja kapaciteta se fokusira na širenje praktične metodologije za borbu protiv korupcije, koja je inspirisana uspješnim iskustvom u sprečavanju korupcije u gradu La Paz, a koju su razvili gradonačelnik Ronald MacLean Abaroa i njegov konsultant profesor Robert Klitgaard.

Predstavnici centralnih i lokalnih vlasti, kao i organizacija civilnog društva i asocijacija lokalnih vlasti će imati priliku da se upoznaju i uče od gradonačelnika MacLean Abaroa, kao i gradonačelnika/menadžera iz Albanije, Bosne i Hercegovine, Hrvatske, Kosova, Makedonije, Crne Gore i Srbije, čiji su gradovi u 2012. i 2013. godini dobili podršku od Programa urbanog partnerstva da primijene ovu stratešku i participativnu metodologiju. Stručnjaci za borbu protiv korupcije zajedno sa predstavnicima lokalnih vlasti će podijeliti svoja iskustva, rezultate i naučene lekcije. U isto vrijeme, učesnici će razgovarati o budućim koracima koji su potrebni da se ova metodologija primjeni u što većem broju lokalnih samouprava, kao i da se uči o drugim dobrim praksama iz regiona.



**World Bank
Institute**

FAKULTET ZA JAVNU UPRAVU RASPISAO KONKURS ZA DOKTORSKI STUDIJ

FAKULTET ZA JAVNU UPRAVU
pridružena članica
UNIVERZITETA U SARAJEVU



FACULTY OF PUBLIC ADMINISTRATION
associate member of
UNIVERSITY OF SARAJEVO

Fakultet za javnu upravu, pridružena članica Univerziteta u Sarajevu, na osnovu odluka i Saglasnosti Ministarstva obrazovanja Kantona Sarajevo od 26.11.2013. objavio je konkurs za upis studenata Trećeg

ciklusa – doktorski studij studijskog programa „Uprava“.

Studij se organizuje u trajanju od tri godine, a njegovim završetkom stiče se naučno zvanje doktor upravnih nauka.

Pravo upisa na doktorski studij imaju slijedeći kandidati koji su stekli diplomu drugog ciklusa studija na Fakultetu za javnu upravu ili srodnim fakultetima (pravni, ekonomski, fakulteti političkih nauka, fakulteti na kojima se izučava uprava kroz zaseban odsjek ili smjer ili drugi fakulteti društvenih i humanističkih nauka), koji su stekli naučni stepen magistra iz navedene matične ili srodnih oblasti po predbolonjskom konceptu studija stečenu na visokoškolskoj ustanovi u zemlji i inostranstvu, kao i strani državljani.

Kandidatima za upis koji su stekli titulu magistra nauka/prije uvođenja Bolonjskog sistema trocikličnog studija i iz oblasti koje su relevantne za oblast iz koje se organizira studij trećeg ciklusa priznaje se 60 ECTS studijskih bodova.

Cijena studija iznosi 4500 KM po godini studija.

Konkurs ostaje otvoren do 31.12.2013. godine.

Prijave sa naznakom: Prijava za upis na III ciklus studija Studijskog programa „Uprava“ dostavljaju se u zatvorenoj koverti lično ili poštom na adresu:

Fakultet za javnu upravu u Sarajevu,
ulica Patriotske lige broj 41



Savez općina i gradova Federacije
Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

NAJAVA SEMINARA O PRIMJENI ZAKONA O STVARNIM PRAVIMA FBiH I PREDNACRT ZAKONA O PREMJERU I REGISTRACIJI NEKRETNOSTI FBiH

04. decembar/prosinac – Savez općina i gradova FBiH organizira seminar na temu: "Primjena Zakona o stvarnim pravima FBiH i Prednacrt Zakona o premjeru/izmjeri i registraciji nekretnosti FBiH", koji će se održati u Sarajevu, Hotel „Grand“ u trajanju od 10.00 do 17.00 sati. Predavači na ovom seminaru će biti prof. dr. Enes Hašić, profesor na Pravnom fakultetu Univerziteta u Bihacu za temu „Primjena Zakona o stvarnim pravima FBiH“, te Hazbo Ličina, direktor Uprave za imovinsko-pravne, geodetske poslove i katastar nekretnosti Općine Zenica i Ivan Lesko, direktor kantonalne uprave za geodetske i imovinsko-pravne poslove Hercegovačko-neretvanskog kantona, koji će obraditi temu „Prednacrt Zakona o premjeru/izmjeri i registraciji nekretnosti FBiH“.

DANI OPĆINA ZA MJESEC DECEMBAR/PROSINAC

- 10. decembar/prosinac - Dan Općine Tešanj.** To je dan sjećanja na vakufnamu Gazi Ferhad-bega kojom je 1559. godine utemeljen Tešanj.



Tešanj



Tešanj, kula

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.